



**E**Ricus apud Septentrionales populos eo tempore quo Christus homo natus est, in magna authoritate fuit. erat enim multis uirtutibus & in-  
 gulari facundia præditus: præterea manu adeo præ-  
 ptus, ut multos duello prostrauerit, atq; ubique ui-  
 ctor extiterit. Itaq; Frotho Danorum rex eum suis  
 copijs præfecit, atq; per eum terra & mari res maxi-  
 mas præclare egit. Accidit autem cum Ericus ad re-  
 gem ueniret, quod Frotho sororem Gunuaram in-  
 gēti patera aurea potionem præferre iussisset. Tum  
 Ericus puellæ formam admiratus, eius dextrā cum  
 oblatō poculo corripuit, atque regem allocutus di-  
 xit: An hoc, regum optime, munus tua mihi delega-

uit humanitas? Num mihi quod teneo irreuocabilis doni loco cessurum con-  
 firmas? Rex pateram tantum postulari ratus, donum pronunciauit. Itaq; Eri-  
 cus uirginem sibi ueluti cum patera datam comprehendit, & eam uxoris lo-  
 co esse dixit. Rex errore promissi cognito, puellam tradidit, atq; ne leuior ha-  
 beretur, uxorem esse iussit. Habebat Ericus Rollonem fratrem, qui & ipse mul-  
 ta uirtutis documenta edidit, atq; cum fratre Danorum regnum plurimum  
 euexit. Postea uerò ipse Alrico rege Sueonū interfecto, rex Sueonum & Go-  
 thorum omnium consensu ob uirtutes electus est. Regna illa, sopitis hinc in-  
 de procerum odijs, tanta industria per plures annos gubernauit, ut merito in-  
 ter principes heroes, quibus unquam Aquilonaria regna subiecta fuerunt,  
 connumeretur. Facundia quoq; ita pollebat, ut Diserti cognomen adeptus  
 fuerit. Proinde multis bellis prosperè confectis, sese ad pacis studia cōuertit,  
 & alios suo exemplo ad uirtutes excitauit. Cum hoc modo feliciter degeret,  
 anno regni sui tricesimo quarto æternus Dei filius ex Maria uirgine homo fa-  
 ctus est, dum ubiq; terrarum Dei mirabili cōsilio alta pax constituta es-  
 set. Tandem Ericus se mortalem declarando obiit, & regali fune-  
 re elatus honorificè sepultus fuit, Ioan. Mag. in Hist. Suet.